

**510** Wie habt ir minne ân mich erholt?

maneger sîniu ougen bolt,  
er möhts ûf einer slingen  
ze senfterm wurfe bringen,

5 ob er sehen niht vermîdet,

daz im sîn herze snîdet.

lât walzen iwer kranken gir  
ûf ander minne danne ze mir.

dient nâch minne iwer hant,

10 hât iuch âventiure gesant

nâch minne ûf rîterlîche tât,

des lônnes ir an mir niht hât.

ir mugt wol laster hie bejagen,

muoz ich iu die wârheit sagen.«

15 Dô sprach er: »vrouwe, ir sagt mir wâr,

mîn ougen sint des herzen vâr;

diu hânt an iwerem lîbe ersehen,

daz ich mit wârheit des muoz jehen,

daz ich iwer gevangen bin.

20 kêrt gein mir wîplîchen sin.

swies iuch habe verdrozzen,

ir habt mich in geslozzen.

nû læset oder bindet.

des willen ir mich vindet:

25 het ich iuch, swâ ich wolte,

den wunsch ich gerne dolte.«

Si sprach: »nû vüert mich mit iu hin.

welt ir teilen den gewin,

den ir mit minne an mir bejagt,

30 mit laster irz dâ nâch beklagt.

ân m. geholt (verholt O)? \*T (nur T)

↓\*G \*T

daz in sîn \*T (nur TU)

saget alwâr, \*T (ohne O)

wiez iu. \*T

\*D: D \*m: m \*G: G I L Z Fr22 (510.1–2) \*T: T U V O

1 Initiale D G L Z O 13 Initiale I 15 Initiale T U · Majuskel D 27 Versal T · Majuskel D 28 nicht ausgeführte Illustration O

1 sô habt ir die ân mich (mir m) erholt. \*m 3 möhts ûf] mohts ûf D möhte (mohte m) es in ([\*f]: in V) \*m (V) 4 zuo senfterm wurf (zesenferen wurfe G zesenftren wurfen I ze [senfte\* wur]: senfterm wurfe T Ze bezzerm nvtze O) bringen, \*m (\*G \*T) 5 ob er] der \*m 13 hie] al hie ([a\*]: al hie V) \*m (V) 17 diu] di D die G T 22 mich] mir D 23 læset] lâzet \*m 30 dâ nâch] dannoch \*m